

## MUZIONE CÙ DUMANDA D'ESAME PRIURITARIU

**SPOSTA DA :** ROMAIN COLONNA À NOME DI U GRUPPU « FEMU A CORSICA » È VANNINA ANGELINI BURESI À NOME DI U GRUPPU « CORSICA LIBERA »

**OGGETTU :** CHJUDITURA DI E CLASSE BISLINGUE.

---

**VISTU** a lege N<sup>u</sup> 2002-92 relativa à u statutu di a Corsica di u 22 di ghjinnaghju di u 2002,

**INTESU** chì in lu 2005 u pianu di sviluppu di l'insignamentu di a lingua è a cultura corsa di l'inziana CTC, era primurosù in u so pianu d'azzione di mette in piazza un insegnamentu bislinguu generalizatu in tutte e scole primarie nantu à 7 anni da u 2007 sin'à u 2013, cù à tempu a valutazione di 300 maestri di scole in lingua corsa,

**VISTU** a diliberazione n<sup>u</sup> 13/096 AC di u 17 di maghju di u 2013, chì ci s'approvanu e pruposte in favore à un statutu di cuufficialità è di rivitulita di a lingua corsa,

**INTESU** chì a cunvinzione Statu- inziana CTC ziffrata u 2 di nuvembre di u 2016 annunciava a generalizzazione di e filiere bislingue in scola materna po in lu primariu,

**VISTU** a diliberazione N<sup>u</sup> 15/083 AC di l'Assemblea di Corsica di u 16 d'aprile di u 2015, chì ci s'approva u Pianu « Lingua 2020 »

**VISTU** a diliberazione N<sup>u</sup> 15/253 AC di l'Assemblea di Corsica di u 29 d'ottobre di u 2015, chì ci s'adotta u Cuntrattu di Pianu Statu Rigione pè a Corsica 2015-2020

**VISTU** a diliberazione N<sup>u</sup> 16/140 AC di l'Assemblea di Corsica di u 23 di ghjugnu di u 2016, chì ci s'adotta a Cunvinzione 2016-21 di messa in opera di u pianu di sviluppu di u insegnamentu di a lingua è di a cultura corsa,

**VISTU** a deliberazione n<sup>o</sup> 13/096 AC di u 17 di maghju di u 2013 chì approva e pruposte pà un statutu di cuufficialità è di rivitalizzazione di a lingua corsa ;

**VISTU** a diliberazione N<sup>u</sup> 17/021 AC di l'Assemblea di Corsica di u 27 di ghjinnaghju di u 2017 in favore à a messa in opera d'un quattru nurmativu spificu per l'Accademia di Corsica,

**VISTU** a diliberazione N<sup>u</sup> 18/092 AC di l'Assemblea di Corsica di u 29 di marzu di u 2018 chì ci s'approva una muzione relativa à a pulitica educativa in Corsica,

**SAPENDU** ch'ella hè prevista a chjuditura di trè classe materne bislingue in Aiacciu,

**SAPENDU** chì e trè scole di ste classe sò cunsiderate « REP »,

**SAPENDU** chì u retturatu avia dinò a pussibilità di chjode classe in e filiere dette « standard »,

**SAPENDU** ch'elli ci sò i scagni à posta di a municipalità d'Aiacciu chì danu e precisione à i genitori è arrigistregghjanu e scrizzione di i zitelli in e sfarente scole di i settori,

**SAPENDU** chì à a riintrata à vene di u 2018/2019, i CP saranu duppiati,

**SAPENDU** chì l'insignamentu dettu immersivu hà da principià infine à sviluppassi,

**CUNSIDARATU** a vulintà pulitica unanima espressa da parechji anni à prò di u bilinguisimu,

**CUNSIDARATU** chì sta vulintà pulitica si deve traduce in l'atti è in l'istituzione pubbliche, anzituttu in l'Educazione naziunale,

**CUNSIDARATU** chì u prugettu accademicu 2017-2022 si deve arrimbà à u spannamentu di a lingua è à quellu d'una cumpitenza plurilingua,

**PIGLIATU SI** cunniscenza di u fattu chì, al di là di e difficoltà chì ponu nasce in tale o tale cumuna, ùn si pò affirme in nisuna manera ch'ellu si risponde per avà di manera pusitiva à l'ogittivi di a Cunvinzione lingua corsa 2016-21, particularmente quelli di i so articoli 1 à 4,

## **L'ASSEMBLEA DI CORSICA**

**HÈ OPPOSTA** à a chjuditura di classe bilingue,

**HÈ OPPOSTA** à ogni misura di carta sculare chì si truvava in cuntradizione cù l'ogittivi è l'esisgenze di a Cunvinzione 2016-21.

**RAMENTA** chì e scole materne sò e fundazione di e pulitiche messe in piazza da a nostra cullettività à prò di a lingua è di una sucetà bilingua è à prò di a cuesione è di u mischju suciale,

**DUMANDA** à e municipalità tocche chì i direttori di e scole bilingue pudessinu participà à e cummissione dette di i « guichet unique » o altre da pudè dà u so parè nantu à e repartizione,

**DUMANDA** ch'ella sia fatta una campagna ubligatoria di prumuzione di a lingua corsa quand'elle sò aparte e scrizzione,

**DUMANDA** ch'è i posti di duppiamentu di i CP à a rintrata 2018/2019 sianu posti bilingui,

**DUMANDA** ch'è u pianu di furmazione sia generalizatu è rinforzatu,

**DUMANDA** ch'è una infurmazione ogittiva è imparziale sia data à i servizii di a Cullettività di Corsica di pettu à i risultati aspittati è ottinuti pè u Grande Pianu di Furmazione di i Prufessori di e scole,

**DUMANDA** ch'ellu sia infine è senza altru custituitu u Cunsigliu Accademicu Tarritoriale, tal'è cà privistu à l'articulu 11 di a Cunvinzione 2016-21, ch'elle sianu difinite e so missione, a so cumposta, u so metudu è u so calindariu di travagliu.